

## REGLUGERÐ

um breyting á reglugerð nr. 274, 28. júní 1993, um veiðar í  
atvinnuskyni fiskveiðiárið 1. september 1993 til 31. ágúst 1994.

### 1. gr.

2. mgr. 1. gr. orðist svo:

Falli varanlega niður veiðileyfi, sem skip hefur fengið samkvæmt 5. gr. laga nr. 38/1990, má veita nýju eða nýkeyptu sambærilegu skipi veiðileyfi í þess stað. Er heimilt að veita fleiri en einu skipi veiðileyfi í stað eins skips er úr flotanum hverfur eða úrelða fleiri en eitt skip í stað skips er í flotann bætist, enda sé tryggt að afkastageta fiskiskipaflotans aukist ekki við skiptin. Heimild þessi er bundin því skilyrði, að endurnýjunarrétti hafi ekki verið afsalað.

### 2. gr.

12. gr. orðist svo:

Rúmtala skips eða skipa, sem veiðileyfi fá samkvæmt 2. mgr. 1. gr., skal ekki vera hærri en rúmtala þess skips eða skipa, sem úr flotanum hverfa í þeirra stað.

### 3. gr.

16. gr. orðist svo:

Aðeins er heimilt að veita nýju eða nýkeyptu skipi veiðiheimildir, samkvæmt 1. gr. í stað skips er hverfur úr flotanum. Hinu nýja eða nýkeypta skipi er óheimilt að hefja veiðar í fiskveiðilögsögu Íslands fyrr en fyrir liggur staðfesting á því, að skipið sé horfið úr flotanum og Fiskistofa hefur veitt hinu nýja eða nýkeypta skipi leyfi til að hefja veiðar.

### 4. gr.

Reglugerð þessi er sett samkvæmt ákvæðum laga nr. 38, 15. maí 1990 um stjórn fiskveiða til að öðlast þegar gildi.

Sjávarútvegsráðuneytið, 10. júní 1994.

F. h. r.  
**Árni Kolbeinsson.**

\_\_\_\_\_  
*Jón B. Jónasson.*